

Wiederholung v. 1998

Su schwätze mir

Dä Himmelsgucker! (1998)



■ Von Katharina Schaaf

Manichmol zwesche Daach on Dämmer
es dä Himmel feuerrut.
Schängelche, dat fräächt dann emmer:
„Mama, woher kimmt die Glut?“

Antwort: „Chreskinnche doht backe,
morje es vierter Advent,
Nikelohs es Holz am hacke
fier dä Backofe, mäi Kend!“

Weiter fräächt dä „Himmelsgucker“:
„Mössen die och kaawe ginn –
Bodder, Eier, Mehl on Zucker,
Mandelkerne – on wohin?“

„Machen die jetzt met em Schlitte
och en Weihnachts-Enkaafsfahrt?
Get et owe Satelite –
met em grüße Supermaat?“

Jo, dä klaine Stropp, dä leewe,
doht met säiner Kindlichkait –
zwesche Erd on Himmel schwewe –
Fantasie on Wärlchlichkeit.

Wenn jetzt zwesche Daach on Dämmer
feuerrut dä Himmel brennt,
guckt dat Fernsehkerlche emmer,
roff – zor „Backstuff“ em Advent!

Advent 2008
Kath. Schaaf